

林振玉著

王陽明論

鄒亨業題



林振玉著

王陽明論

鄭亨榮題



王陽明論

版權所有

翻印必究

812	復文	小字 60 元	精裝本 110 元
813		大字 80 元	

著 作 者： 林 振 玉

發 行 者： 吳 主 和

發 行 所： 復 文 書 局

地址：臺南市東門路421巷28號

電話：2 0 0 0 3 號

郵政劃撥帳戶 32104 號

No.28. LANE421 DONG-MEN
ROAD TAINA TAIWAN REPU-
BLIC OF CHINA
TEL: 2 0 0 0 3

行政院新聞局登記證局版台業字第 0 3 7 0 號

序

陽明先生乃有明一代之哲學家、教育家、政治家兼軍事家也。自幼即秉彝非凡，嘗以當世間第一等人，做世間第一等事之豪語，慷慨自任。故其遭遇雖受莫大之挫折；然在極端困厄中，仍能固執其素志，並堅持學爲聖人之理想而邁進。果也，不特能完成其意願，道德文章，上繼往聖，下啓來茲；即武功勳烈，亦足以炳耀千秋。更且發「求理於心」之義，俾主宰常定，無視橫逆之來，用能克服重重困難，衝破層層險阻。倡「知行合一」之教，促人即知即行，砥礪學行。揭「致良知」之學，以期克私去蔽，而復心體之同然：由親親而仁民，仁民而愛物，天下成一家之親。其說實大有裨於世道人心者也。

當茲共產邪說披猖，誣蔑我歷史文化，否定人性尊嚴，乃至善惡不分，是非莫辨之際。筆者深感陽明學傳，實爲打擊共產邪說之最佳武器；其勦匪戡亂之功，亦足以取法。一得之愚，乃不自揣，謹就陽明學傳及其事功，研究分析，合其要歸，發明申論，成「王陽明論」一書，以爲正德修身，奮厲進取者共勉。

計全書凡十三章：第一章緒言。第二章陽明光明磊落之人格。第三章陽明學溯源。第四章人生哲學之體系。第五章教育宗旨與方法。第六章政治措施及其理想。第七章軍事思想述評。第八章

章計平宸濠之亂。第九章掃蕩橫水左溪桶岡峒賊。第十章奇襲潯頭賊寨。第十一章撫定思恩田州。第十二章破八寨斷藤峽蠻賊。第十三章結論。且於各章之內，分標小題，俾便於閱覽。

顧陽明先生之德術功烈，如泰岱江海，巍巍蕩蕩，僅此區區，祇論述其犖犖大者而已。儼有語焉不詳，或擇而未精之處，敬祈先進賢達，不吝指正；更有望於讀者諸君曲諒之也。

本書脫稿於民國六十四年春，承總統府秘書長鄭彥棻先生賜題書簽；復文書局爲之付梓，於是乃獲供賢者之披覽，並此致謝焉。是爲序。

乙卯孟春林振玉序於鳳山

王陽明論

林振玉 撰

目 錄

序	一
第一章 緒言	一
第二章 陽明光明磊落之人格	一四
第三章 陽明學溯源	二五
第四章 人生哲學之體系	三三
第五章 教育宗旨與方法	四八
第六章 政治措施及其理想	六七
第七章 軍事思想述評	八四
第八章 計平宸濠之亂	九八
第九章 掃蕩橫水左溪桶岡峒賊	一〇六

王陽明論

四

第十章	奇襲泗頭賊寨·····	一一三
第十一章	撫定思恩田州·····	一一八
第十二章	破八寨斷藤峽蠻賊·····	一二八
第十三章	結論·····	一三二

第一章 緒 言

林振玉撰

王陽明先生，精思力踐，慨然以倡明聖學爲己任。洞澈本源，思復三代之舊觀。揭「心即理」之說，以存本心；倡「知行合一」之教，而促實踐；申「致良知」之學，以去人欲；作「拔本塞源」之論，而厲風俗；闡「親民」之義，在明明德；天下靡然從之。其心願在爲天地立心，爲生民立命，爲往聖繼絕學，爲萬世開太平。且以書生提弱卒，戡亂討逆，措天下於磐石之安，一洗儒生專尚空談之恥，即此一端，足以名垂青史也。及其論學，主默坐澄心，求之在己。爲政不事威刑，唯以開導人心爲本。用兵則實施心戰，虛實互用，制敵機先。誠教育家、政治家兼軍事家也。

當正德三年，時三十七歲，謫赴貴州龍場，居夷處困，因念聖人處此，更有何道；忽中夜大悟「格物致知」之旨：認定聖人之道，吾性自足，向之求理於事物者，誤也。舉凡事事物物，不求諸外而求諸心，闢朱晦庵「即物窮理」之說，謂朱晦庵務外而遺內，博而寡要。此正孟子仁義由內之意也。孟子曰：「心之官則思，思則得之，不思則不得也。」（註一）又曰：「存乎人者，豈無仁義之心哉？」（註二）是天之所予人者，即此仁義之心也。人皆具是心，心皆具是理，故心即理也。夫人之欲窮是理，當盡是心。設此心有所蒙蔽，或有所陷溺，則此心爲之不靈，此

理爲之不明，猶斧斤之於木也，且且而伐之，何以爲美乎？陽明先生固已得聖人之道矣。其嘗答顧東橋書曰：

「夫求理於事事物物者，如求孝之理於其親之謂也。求孝之理於其親，則孝之理，其果在於吾之心耶？抑果在於親之身耶？假如果在親之身，則親歿之後，吾心遂無孝之理歟？見孺子之入井，必有惻隱之理。是惻隱之理，果在於孺子之身歟？抑在於吾心之良知歟？其或不可以從之於井歟？其或可以手而援之歟？是皆所謂理也。是果在於孺子之身歟？抑果出於吾心之良知歟？以是例之萬事萬物之理，莫不皆然。是可以知析心與理爲二之非。」（註

三）

其門人徐愛，以至善只求諸心，恐天下事理有不能盡者，因請先生釋疑。陽明曰：「心卽理也。天下又有心外之事，心外之理乎？」愛曰：「如事父之孝，事君之忠，交友之信，治民之仁，其間有許多理在。」曰：「此心無私欲之蔽，卽是天理，不須外面添一分。以此純乎天理之心，發之事父便是孝；發之事君便是忠；發之交友、治民，便是信與仁。」（註四）夫天理本源於人心，除却此心，便無天理可見，故陽明教人修養身心，立必爲聖人之志。有超世特立之志，則俗習不能移，邪說不能惑，可殺身以成仁，捨生而取義。陽明曰：「祇念念要存天理，卽是立志。」（註五）又曰：「立必爲聖人之心，須時時刻刻一棒一條痕，一掬一掌血。若茫茫蕩蕩度日，譬

如一塊死肉，打也不知痛癢，恐終不濟事。」（註六）此即孔子「吾欲載之空言，不如見諸行事之深切著明。」（註七）之意也。

翌年，陽明先生三十八歲，倡「知行合一」之教，求放心，促實踐，謂「知者行之始，行者知之成。」（註八）認定知行爲一事。其門人徐愛，未會先生「知行合一」之訓，因而問曰：

「如今人儘有知得父當孝，兄當弟，却不能孝，不能弟，便是知與行分明爲兩件。」

曰：「此已被私欲隔斷耳，非本體也。未有知而不行者；知而不行，只是未知。聖賢教人知行，正要人復其本體。故大學指出眞知行以示人曰：『如好好色，如惡惡臭。』夫見好色屬知，好好色屬行。只見好色時已是好矣，非見後而始立心去好也。聞惡臭屬知，惡惡臭屬行。只聞惡臭時已是惡矣，非聞後始立心去惡也。如鼻塞人，雖見惡臭於前，鼻中不曾聞得，便不甚惡，亦只是不曾知臭。又如稱某人知孝，某人知弟，必其人已行孝行弟，方可稱其知孝知弟。」（註九）

上文乃陽明先生論「知行合一」至剴切之言，吾人苟卓然踐之以身，自可去惡爲善，勝私復理矣。若是，則可正社會之歪風，披頭遁形；施之政治，則貪黷匿跡；以之經國，則國基永固：正如日月麗天，萬象畢照。當使持唯物論，以人爲器械，盡其利用價值之蛇虺魍魎，無所施其鬼蜮。蓋「知行合一」之知，良知也；行，致良知也。別善惡，辨是非，是謂良知。陽明曰：「知

善知惡是良知。」（註十）又曰：「良知是天理之昭明靈覺處，故良知即天理。」（註十一）是則，良知即天理，天理則莫非良知。孟子曰：「大人者，不失其赤子之心者也。」（註十二）正以大人之所以爲大人，不爲物誘，全其純一無僞之本然也。又曰：「無惻隱之心，非人也；無羞惡之心，非人也；無辭讓之心，非人也；無是非之心，非人也。」（註十三）陽明亟稱孟子，故有致良知之發，曰：「心者，身之主也。而心之虛靈明覺，即所謂本然之良知也。其虛靈明覺之良知，應感而動者謂之意，有知而後有意，無知則無意矣。」（註十四）故良知之發，了無障礙；然在常人，不免有私意存焉，必須有以致之。陽明先生歷艱履險，磨瑕去垢，取孟子之良知，合大學之致知，而爲致良知之說，謂人之虛靈莫不有知，唯不以私欲蔽塞其虛靈者，則不假外索。是以天下之事，自無所感而不通，無所行而不當。蓋大學中之誠、正、修、齊、治、平，必先致其知。凡千變萬化，一以貫之者，道也。道者何？修己治人之方也，篤信力行，可以爲堯舜，故陽明先生特揭「致良知」之學，促人克私去蔽，迷途知返。蓋致知者，致吾心之良知也。吾心之良知，不待慮而知，乃命之性，吾心靈昭明覺之本體也；惟不自欺其良知，斯知致而可誠。致知在格物。陽明以格者，正也；正其不正，而歸於正。物者，事也；事各歸於正，吾良知之所知，始無虧缺障礙，得以極其致。故曰：「良知之外更無知，致知之外更無學。外良知以求知者，邪妄之知矣；外致知以爲學者，異端之學矣。」（註十五）此與朱晦庵言欲致吾之知，即物而窮其

理者，迥異。陽明先生學知而歸諸良，學致知而歸諸正，既不汨於俗，亦不入於空，千古聖人未盡之意，一經揭發，復大明於斯世矣。蓋周道衰而王迹熄，民始有無恒產者。然其時聖學尙明，士雖貧困，猶有固窮之節，閭里族黨尙知相恤之義。逮其後功利之說日浸，已不復有明德親民之實矣。士皆巧文博辭以飾詐，相規以僞，相軋以利，外冠裳而內禽獸，而猶或自以爲從事於聖人之學，如是而欲復三代之迹，戛戛乎其難哉！故陽明先生訂「致知格物」之謬，倡「知行合一」之教，揭「致良知」之學，無非欲正人心而息邪說，求明先聖之學，俾君子聞大道之要，小人蒙至治之澤而已。是以陽明嘗以明鏡喻心，將明鏡上之塵埃喻私欲，云去人欲猶拭去明鏡上之塵埃，此鏡便自瑩澈，還我本來面目。其學說爲實際生活之體驗，自聖學中徹悟得之。其著精神處：不求異於人，而求同於理，在躬行實踐，事上磨煉，絕非空疏虛浮之論也。

陽明生當亂世，立志倡明聖學，以期挽救陷溺之人心，振奮衰薄之世風，決非徒務虛名，汲汲立言，以求炫耀於時者也。嘗與王純甫書云：「譬如金之在冶，經烈焰，受鉗錘，當此之時，爲金者甚苦。然自他人視之，方喜金之益精煉，而恐火力錘煉之不至。既其出冶，金亦喜其挫折煅煉之有成矣。」（註十六）顧今日在革命洪爐中煅煉之青年，殆若金之在冶，愈煉愈精，由是而成棟梁之材。他日握兵符，翦除毛共奸匪，措生民於衽席之上者，豈非今日煅煉之效乎？陽明嘗曰：「某平日亦有傲視行輩，輕忽世故之心，後雖知懲創，亦惟支持抵塞於外而已。及謫貴州三

年，百難備嘗，然後能有所見，始信孟氏生於憂患之言，非欺我也。」（註十七）當茲國際姑息逆流橫溢之時，道義不張，正氣泯滅，溯其本源，莫不是國際人士缺乏道德理性，與道德勇氣之所致。此亦所以考驗吾人之意志及毅力者也。道德理性爲何？良知是也；致良知始足以公是非。道德勇氣爲何？救世救人之大無畏精神是也；非復萬物一體之仁，則無以挽救世界之沉淪。故陽明先生之人生哲學，不啻可作個人歷憂患，忍辱負重，成己成物，立身處世之良規。且當世局危疑震撼之秋，亦足以厲國人，毋視橫逆之來，團結奮鬪，非達勝利成功不已。誠如蔣經國先生之言曰：「此時此地，吾人心中得有箇主宰，則自可欲念在前，而不被迷惑；環境惡劣，而不爲所困擾；此心至大至正，可以忍人之所不能忍，亦可爲人之所不能爲。」是也。

陽明先生功在社稷，澤被生民，其犖犖大者有四：其一、宸濠不軌，謀非一日，內臣如魏彬等，嬖倖如錢寧，江彬等，文臣如陸完等爲之內應。外而鎮守如畢真、劉朗等爲之外應。故當時中外諸臣，多懷觀望，若非陽明忠義，自許身任討賊之事，不顧赤族之禍，倡義勤王，運籌以伐謀，則天下之安危，未可知也。其二、大帽、茶寮、泖頭、桶岡諸賊寨，勢連四省，兵連累歲，若非早平，南方自此多事。陽明臨鎮，次第底定。其三、思恩、田州構釁有年，事不得息，民不得已。陽明定以兵機，感以誠信，乃使盧、王之徒，崩角來降，感泣受杖，遂平一方之難。其四、自來八寨，斷藤峽爲百數十年之豺虎窟穴，乃兩廣心腹之疾。其間守戍官軍，與賊爲黨，莫可

奈何！唯陽明假永順之狼兵，盧、王降卒，遂去兩廣無窮之巨害，實得兵法便宜之算也。

夫兵政，國之大事也。陽明奉詔討賊，皆除大患，成中興靖難之大勳，實出於忠誠純正，力行實踐之功。況復匪之於民，不容並育，譬如莠騷害稼，而養之弗耨；從虎狼之狂噬，而聽孽牧之哀鳴；此仁者所不忍坐視者也。陽明擢而殺之，不亦宜乎？

陽明遺著，其首三卷爲語錄，乃其生時，門人徐愛等所輯。次二十八卷：文錄、書錄、詩錄、奏疏、雜著、銘表、碑文及祭文，皆陽明薨後，爲其門人錢德洪輯。其末七卷爲年譜，爲世德紀，王汝中等輯而附焉。全書三十八卷。世講求陽明學傳者，胥以語錄、文錄、書錄爲研究之中心；尤以傳習錄作問答體裁，錄其言論，摘其書牘，闡述其微言精義。紹堯、孔之心傳，倡周、程之道術，其裨益於世道人心者，豈淺鮮哉？故世尊之爲姚江學派，良有以也。陽明爲姚江學派之鉅子，信而有徵，茲引述李心莊先生重編，正中書局印行之明儒學案，姚江學派之傳授表如次：

王陽明論

姚江學派傳授表

王陽明

徐愛

蔡宗充

朱節

錢德洪

程大賓

蕭彥

蕭良幹

徐用檢
羅大紱

查鐸

王畿

萬表

張元忬

唐順之
附子鶴徵
姜寶


戚袞

鄧以讚
鄒元標
馮應京

季本

黃綰

董澐
附子穀



聶豹

宋儀望

徐階

同調

楊豫孫

羅洪先

萬廷言

章潢（學侶）

劉文敏

王時槐

陳嘉謨

賀涇

劉邦彩

劉曉

王釗

劉三五

劉元卿

劉秉監

劉魁

尤時熙

孟化鯉

黃宏綱

何廷仁附殷邁